

PAPIANDO KU DIOS

Lès 3

Fuera di konfia Kristo pa salbábo, no tin nada mas importante den bida ku komunión ku Dios! Di bèrdat, bo tempu privá ku Dios ta asina importante ku bo lo no ke pèrd'é ningun dia.

Bo relashon ku Dios no por desaroyá si bo no hasi dos kos:

1. Invertí tempu pa skucha Dios papia ku bo dor di Su Palabra
2. Invertí tempu pa papia ku Dios dor di orashon.

Den e lès aki, nos lo pensa tokante orashon.

ORASHON DIRIGI NA KEN?

Algun hende ta kere ku bo'n por hasi orashon dirèkt na Dios. Segun nan, mester resa na un otro persona ku si por presentá bo petishon na Dios. Kiko 1 Timoteo 2:5 ta bisa?

Kuantu mediadó tin entre Dios i hende? _____

Ken ta mediadó entre Dios i hende? _____

Segun Juan 15:16, bo mester dirigí bo orashon na _____
_____ den nòmber di _____.

KIKO BO POR PAPIA KU DIOS?

Si bo stima un persona, lo bo gosa su presensia, lo bo ke papia kun'é i bis'é loke ta riba bo kurason. Ningun persona ta stimábo mas ku Dios. E ke pa bo papia kun'E. Lesa Filipensenan 4:6-7.

Kiko bo no mester hasi (4:6)? _____

Kiko bo mester hasi (4:6)? _____

Kiko Dios ta primintí (4:7)? _____

Bo no tin ku memorisá un orashon bunita, òf siña papia ku palabranan floriá promé ku bo por papia ku Dios. Papia ku Dios méskos ku bo ta papia ku kualke persona, ku bo mes palabranan. Bis'E loke ta riba bo kurson: konfesá bo piká n'E, hasi petishon, yam'E danki, bis'E bo ta stim'E. Lo bo por konsentrá mas mihó si bo ekspresá e palabranan ku bo boka i no djis pensa nan.

ORASHON TA IMPORTANTE

1. Lesa Kolosensenan 4:2. Kiko e teksto aki ta? (Pone un "X" den e hòki korekto.)
 Petishon Promesa Mandamentu
 Si esei t'e kaso, ta piká pa negleshá di hasi orashon.
2. Bes tras bes Hesus a dediká tempu pa papia ku Su Tata Su so (Mateo 14:23; Marko 1:35; Lukas 6:12; èts.). Si komunian ku Dios Tata tabata tan nesesario pa Hesus (Dios Yu), kiko esaki ta indiká tokante e importansia di orashon pa ku bo?

DIOS TA KONTESTA ORASHON?

Dios no solamente ta skucha orashon, E tambe ta kontestá orashon. Lesa Juan 14:13-14. Hesus a bisa, "*I tur loke boso pidi den Mi nòmber, _____, pa e Tata wòrdu glorifiká den e Yu. Si boso pidi algu den Mi nòmber, _____.*" (Pidi den nòmber di Hesus ke men pidi konforme Su boluntat.)

Ta bon pa realisá ku Dios por kontestá bo petishon diferente manera. Tin bes E ta kontestá "si". Ma méskos ku un mama no ta duna su yu chikitu tur loke e ta deseá (pa su propio bienestar), tin bes Dios Su kontesta ta "nò". Of E por kontestá "warda" òf

“ainda nò” òf “un otro manera”. Djis pasobra Dios no a kontestá “si” no ke men ku E no a tende i kontestá.

DIOS TA SKUCHA TUR ORASHON?

Tin orashon ku Dios no ta tende? Si. Kiko ta motibunan ku Dios ta nenga skucha òf kontestá orashon segun e siguiente tekstonan?

1. Salmo 66:18 _____
2. Santiago 1:5-7 _____
3. Santiago 4:2 _____
4. Santiago 4:3 _____
5. 1 Pedro 3:7 _____
6. 1 Juan 5:14 _____

E FREKUENSIA DI ORASHON

Ta importante pa bo tin un tempu fiho pa hasi orashon tur dia. Si bo no pone siertu tempu pa orashon, despues di tempu lo bo lubidá di hasi orashon. Un tempu fiho di orashon kombiná ku lesamentu di Beibel nos ta yama “deboshon personal.”

Ma orashon na un tempu fihá no ta basta. Ku ki frekuensia Dios ke pa bo papia kun'E segun 1 Tesalonisensenan 5:17?

Esaki no ke men ku bo tin ku hasi orashon 24 ora pa dia. Símpelmente bisá, e teksto aki ta laga sa ku Dios ta disponibel pa skucha orashon tur ora i ta deseá pa bo papia kun'E ku frekuensia. Kada evento, enkuentro, òf sirkunstansia den bida por ta un okashon pa papia ku Dios. Bo no por kansa Dios dor di papia kun'E di mas. E ta gusta pa Su yunan papia kun'E.

TEPNAN PA ORASHON FIHO

Bo tempu di kontakto diario ku Dios (deboshon personal) ta e tempu mas importante di dia. E siguiente surgerensianan lo ta un yudansa pa bo tempu di deboshon personal.

1. Invertí por lo ménos 15 minüt kada dia pa deboshon personal: algun minüt pa lesa Beibel i algun minüt pa orashon.
2. Skohe un tempu regular ku ta esun mas ketu pa bo.
3. Skohe un lugá fiho unda bo lo no ser strobá.
4. Traha un lista di orashon. Bo lista por inkluí nesetidatnan personal òf familiar, otro hende ku no konosé Kristo, famia, amigu, nos komunidad, éts.

Tene rekòrt den un skref di petishonnan ku Dios ta kontestá. Den e promé kolumna, skirbi fecha di e petishon, anto skirbi e petishon. Ora Dios ta kontestá, skirbi e kontesta den kolumna tres i e fecha.

Fecha	Petishon	Kontesta	Fecha

Dor di tene rekòrt asina, lo bo ta enkurashá pa mira ku di bèrdat Dios ta skucha i kontestá bo orashon.

TAREA PA KAS

1. Kuminsá kada dia ku 15 minüt pa Dios...algun minüt pa sigui lesa un kapítulo di Juan kada dia, i algun minüt pa orashon.
2. Siña Jeremias 33:3 for di kabes.
3. Promé ku e siguiente lès, konta un otro persona ku bo a aseptá Kristo komo bo Salvador personal.
5. Lesa e siguiente lès i yena e kontestanan.